

Sajam knjiga i učila -promocija djela Denisa Dželića 25.4.2010. godine



U nedjelju 25.4.2010. godine u 14:00 na Centralnoj bini u Dvorani Mirza Delibašić održana je promocija romana "Bajka za Unu" još jednog bh. pisca iz Banje Luke koji živi i radi u Danskoj. Denis Dželić je aktivan i surađuje s Banjalučkim žuborima u čijem je 12. izdanju objavio pripovjetku „Zimsko jutro djetinjstva“. Također, povremeno objavljuje zapise i priče u časopisu za obrazovanje i kulturu Most.

O njegovom novom romanu „Bajka za Unu“, čiji je izdavač KNS-Sarajevo, govorio je Ibrahim Osmanbašić.

Po zamišljenoj koncepciji roman *Bajka za Unu* je Apokalipsa. Kraj. Sa nama umire dijaspora, izbjeglištvo, rađaju se novi potomci koje ništa ne veže sa domovinom Bosnom i Hercegovinom. U vidu razgovora djeda i njegove unuke Une promiče jedna život koji je na zalasku. On joj priča o svom životu ne bi li ona iz njegove empirije spoznala i izvukla esenciju u budućnosti, u svom životu.

Iz recenzije Mehmeda Đedovića:

...Zbog čega jedna ovakva knjiga kakva je Bajka za Unu? Možda zato jer: Sa svakim umrlim Bosancem i Hercegovcem u dijaspori umire i dio Bosne i Hercegovine, sa svakim rođenim u dijaspori takođe umire, i hoće li se iko od njih zapitati: Kto je ta... da proštiš...Možda je zbog toga potrebna jedna ovakva knjiga, a možda i nije, možda je ona oproštajni govor na mezaru...Mora se nekome ispričati priča jer strah je pojeo vrijeme. Bajka za Unu nije napisana samo zbog toga da bi bila knjigom, ona je morala izaći, ona je krik, vrisak boli, ona je teška tišina izbjegličkog života...

Denis Dželić - Danska

www.mezej.com

Objavljena djela:

Ptice iz fjordova – pripovijetke (2004)

Paganski poeta - poetska proza (2006)

Bajka za Unu – roman (2010)




Posjeta ministra Safeta Halilovića



Predstavljanje



Enisa Osmančević – Čurić i Denis Dzelalic



Denis Dzelić